

Ffurflen E

(Datganiad ariannol ar gyfer gorchymyn ariannol neu ar gyfer cymorth ariannol ar ôl ysgariad neu ddiddymiad dramor)

Nodiadau canllaw

Ynglŷn â'r canllawiau hyn

- Maent yn dweud wrthyh pryd y dylech ddefnyddio Ffurflen E.
- Maent yn esbonio rhai o'r termau a ddefnyddir yn Ffurflen E, sydd o bosibl yn anghyfarwydd i chi.
- Mae'r nodiadau pwysicaf mewn print **bras**. Peidiwch â'u hanwybyddu
- Hefyd, mae rhestr atgoffa yn Ffurflen E sy'n dweud wrthyh pa ddogfennau y bydd angen i chi eu cynnwys gyda'r ffurflen.

Canllaw yn unig yw'r nodiadau hyn. Os bydd angen rhagor o help arnoch chi, dylech siarad â chyfreithiwr, Canolfan Cyngor Ar Bopeth, canolfan cyngor cyfreithiol neu ganolfan y gyfraith. Efallai y byddwch yn gallu cael cyngor cyfreithiol yn rhad ac am ddim. Am ragor o wybodaeth, ewch ar-lein i www.gov.uk/legal-aid.

Cofiwch, er bod staff y llys yn gallu helpu gyda materion trefniadol, ni allant roi unrhyw gyngor cyfreithiol i chi.

Cyflwyniad

Rhaid i chi a'ch priod neu bartner sifil lenwi ffurflen E ar wahân os ydych chi neu eich priod neu eich partner sifil yn gwneud cais am orchymyn ariannol neu gymorth ariannol. Ni ddylech lenwi Ffurflen E ond os ydych chi neu eich priod neu eich partner sifil wedi gwneud cais am orchymyn ariannol (na allwch wneud cais amdano ond fel rhan o ysgariad, diddymiad neu ddirymiad neu (ymwahaniad cyfreithiol) yng Nghymru neu Loegr) neu os yw eich priod neu bartner sifil wedi gwneud cais am gymorth ariannol yn dilyn ysgariad/diddymiad ac ati dramor.

Dylech chi a'ch priod/partner sifil lenwi Ffurflen E hefyd os yw'n gais i amrywio gorchymyn am daliadau cyfnodol pan fo'r ceisydd yn gwneud cais i ddiddymu'r gorchymyn taliadau cyfnodol (ar unwaith neu fel arall) a'i gyfnewid am un neu fwy o'r canlynol: gorchymyn lwmp swm, gorchymyn ad-drefnu perchnogaeth eiddo, gorchymyn rhannu pensiwn neu orchymyn rhannu iawndal pensiwn.

Dylech chi a'ch priod/partner sifil lenwi Ffurflen E2 os ydych chi neu eich priod/partner sifil wedi gwneud unrhyw gais arall i amrywio gorchymyn am rwymedi ariannol.

Diben y ffurflen hon yw eich galluogi i roi manylion llawn eich trefniadau ariannol i'r llys.

Rhaid i chi lenwi Ffurflen E a'i hanfon i'r llys ac anfon copi at y parti arall, o leiaf 35 diwrnod cyn dyddiad yr apwyntiad cyntaf. Gellir gweld dyddiad yr apwyntiad cyntaf ar Ffurflen C (Hysbysiad o apwyntiad cyntaf) y bydd y llys yn ei anfon atoch.

Gall y llys wneud gorchymyn am gostau yn eich erbyn os nad ydych yn cadw at y terfynau amser ar gyfer ffeilio Ffurflen E.

Os ydych chi a'r unigolyn arall wedi cytuno ynghylch y materion ariannol, does dim angen i'r naill na'r llall ohonoch lenwi Ffurflen E. Dylech gyflwyno'ch cytundeb (a elwir weithiau'n gais cydsyniol) i'r Llys cyn yr apwyntiad cyntaf.

Dylech sicrhau eich bod yn atodi unrhyw ddogfennau sy'n berthnasol i'r cais hwn i Ffurflen E.

1 Gwybodaeth Gyffredinol

Adran 1.6: Os nad ydych yn sicr, gall y llys roi'r dyddiadau hyn i chi. Cofiwch roi rhif eich achos

wrth holi am fanylion.

Adran 1.11: Dim ond os ydych chi neu eich plant yn dioddef o unrhyw ffurf ar anabledd corfforol neu feddyliol y mae angen i chi ddarparu manylion. Does dim angen i'r llys gael gwybod am fân anhwylderau.

Adran 1.13: Rhaid i chi roi manylion unrhyw asesiadau Asiantaeth Cynnal Plant / Gwasanaeth Cynnal Plant, cytundebau neu orchmynion llys ynglŷn â'ch plentyn.

Hefyd, os oes cais wedi'i wneud i'r Asiantaeth Cynnal Plant / Gwasanaeth Cynhaliath Plant ond nad oes penderfyniad wedi'i wneud, rhowch wybod i'r llys beth yw canlyniad y cais, ar ôl i'r penderfyniad gael ei wneud. Os ydych chi angen cymorth i gwblhau'r adran hon, gallwch gysylltu â Llinell Ymholiadau Genedlaethol yr Asiantaeth Cynnal Plant ar 0845 7133133 neu'r Gwasanaeth Cynhaliath Plant. 0800 083 4375.

Adran 1.15: Dylech roi manylion unrhyw achosion llys blaenorol neu bresennol rhyngoch chi â'r unigolyn arall. (Byddai'n help i'r llys hefyd petaech yn rhoi manylion cryno am natur yr achosion hyn e.e. trefniadau preswyllo/cyswllt ar gyfer y plant.)

2 Manylion ariannol

Adran 2.1: Rhaid i chi ddweud wrth y llys os ydych chi yn berchen neu'n berchen rhan o'r cartref teuluol (neu unrhyw eiddo arall) a faint ydy ei werth ar hyn o bryd yn eich tyb chi.

Gallwch gael manylion rhif teitl y Gofrestrfa Dir a'r balans sy'n ddyledus ar unrhyw forgais drwy gysylltu â'ch cwmni morgais. Gallwch gael rhif teitl y Gofrestrfa Dir hefyd drwy gysylltu â'r Gofrestrfa Dir, Trafalgar House, 1 Bedford Park, Croydon CR0 2AQ, 0844 892 1111.

Adran 2.3: Dylid cynnwys cyfrifon banc sydd yn dangos gorddrafft yn yr adran hon, ac nid yn adran 2.9.

Adran 2.10: I gael rhagor o wybodaeth am Dreth Enillion Cyfalaf, cysylltwch â Chyllid a Thollau EM ar 0845 900 0404. Maent yn cynhyrchu llyfryn am ddim o'r enw '**CGT1 Treth Enillion Cyfalaf - cyflwyniad**'. Efallai yr hoffech gael cyngor cyfreithiol cyn ateb y cwestiwn hwn.

Adran 2.13: Rhaid i chi roi manylion i'r llys am eich holl hawliau pensiwn, unrhyw hawl iawndal Y Gronfa Diogelu Pensiynau (pr'un ai'n hawl presennol neu'n ddisgwyledig), gan gynnwys y rheiny sy'n ymwneud â'ch swydd gyfredol a/neu swydd flaenorol a/neu sy'n codi o aelodaeth o gynllun pensiwn personol (h.y. unrhyw wedi'i drefnu'n breifat).

Os ydych chi cael prisiad o'ch hawliau pensiwn neu'ch buddiannau gan y sawl sy'n gyfrifol am eich cynllun pensiwn, rhaid i chi roi copi ohono gyda Ffurflen E. (Dim ond os na fydd y prisiad yn fwy na blwydd oed ar ddyddiad yr apwyntiad cyntaf y cewch ddefnyddio hwn.) Os nad ydy'r wybodaeth hon gennych chi, neu os yw'r prisiad sydd gennych dros flwydd oed, dylech ysgrifennu at y sawl sy'n gyfrifol am eich cynllun pensiwn gan ofyn iddo roi prisiad diweddar i chi. Os nad yw'r prisiad ar gael, dylech roi copi o'ch llythyr yn gofyn am y prisiad gyda Ffurflen E ynghyd ag unrhyw ateb gan y cynllun pensiwn yn rhoi gwybod i chi pa bryd fydd y wybodaeth hon ar gael. Os bydd gennych fwy nag un cynllun pensiwn rhaid i chi ddarparu'r wybodaeth hon ar gyfer pob un.

Bydd gweinyddwyr eich cynllun yn gallu darparu'r wybodaeth sydd ei hangen.
Gall fod o help i chi anfon copi o adran 2.13 Ffurflen E at y gweinyddwyr.

Os oes gennych gynllun pensiwn galwedigaethol bydd eich gyflogwr yn gallu rhoi enw a chyfeiriad gweinyddwyr eich pensiwn ichi.

Os oes gennych gynllun pensiwn personol (cynllun wedi ei drefnu'n breifat) dylech gysylltu â'r gweinyddwyr yn uniongyrchol. Os nad ydych gwybod manylion eich pensiwn, gallwch gysylltu â:

Y Gofrestrfa Cynlluniau Pensiwn
Blwch Post 1NN
Newcastle Upon Tyne
NE99 1NN

Dylech gael prisiad o'ch pensiwn gwladwriaeth ychwanegol drwy wneud cais am y ffurflen BR20 o'r cyfeiriad neu'r rhif ffôn isod. Efallai y byddai'n ddefnyddiol i chi hefyd ofyn am ragamcan o'r budd-dal a fydd yn cael ei dalu drwy lenwi'r ffurflen BR19 sydd hefyd ar gael o'r cyfeiriad isod neu drwy ffonio'r rhif isod neu o unrhyw swyddfa nawdd cymdeithasol.

Future Pensions Centre
The Pension Service
Tyneview Park
Whitley Road
Newcastle upon Tyne
NE98 1BA

Rhif ffôn: 0845 3000168

Os oes gennych unrhyw hawl i iawndal Y Gronfa Diogelu Pensiynau, dylech gael prisiad ar gyfer pob un hawl iawndal ar wahân gan Fwrdd Y Gronfa Diogelu Pensiynau o'r cyfeiriad isod.

Attn: Compensation Team
The Pension Protection Fund
Knollys House
17 Addiscombe Road
Croydon
Surrey
CR0 6SR

Nodyn: Cofiwch roi eich Rhif Yswiriant Gwladol i'r llys. Os nad oes blwch ar gyfer y rhif ar y Ffurflen E rydych yn ei defnyddio, ysgrifennwch y rhif dan 'Enw a Chyfeiriad eich cynllun neu eich polisi pensiwn'.

Adran 2.14: 'Asedau anwireddadwy" ydy'r rheini nad oes modd eu troi'n arian parod yn rhwydd.

Bydd cyfreithiwr yn gallu'ch cynghori ynghylch a ydy ased yn un gwireddadwy ai peidio. Os oes unrhyw amheuaeth, dylid sôn am yr ased yn yr adran hon a bydd y barnwr yn penderfynu.

a 2.21:

Adran 2.20

Crynodeb yw hwn o'r wybodaeth a ddarparwyd gennych eisoes yn rhannau 1-10 y Ffurflen E. I'w llenwi, bydd angen ichi gyfeirio'n ôl at bob adran eto gan nodi'r rhif yn y blwch gyda chyfeirnod yn nhrefn yr wyddor nesaf ato. Er enghraifft, fe welwch chi'r ffigur ar gyfer (A) ar dudalen 4, yn adran 2.1.

3 Gofynion Ariannol

Adran 3.1: Yn y blwch â phennawd ‘Eich anghenion incwm eich hun’, bydd angen i chi gynnwys cost wythnosol, misol neu flynyddol pob un eitem. Er enghraifft, dylai gynnwys taliadau pan brynir car neu nwyddau’r cartref ar gredyd. Os byddwch chi’n mynd yn brin o le wrth lenwi’r adran hon, ewch ymlaen ar ddalen arall a’i rhoi ynghlwm wrth Ffurflen E, gan rifo’n glir yr adran maent yn cyfeirio ati e.e. ‘adran 2.3 parhad’.

Adran 3.2: Dylech hefyd gynnwys yn yr adran hon fanylion unrhyw eitemau rydych yn gobeithio’u prynu yn y dyfodol agos. Er enghraifft, cost resymol prynu car neu dŷ newydd.

4 Gwybodaeth arall

Adran 4.2: Mae’r term “safon byw” yn eich gwahodd i fynegi eich safbwynt neu’ch barn eich hun. Ceisiwch roi manylion sy’n dangos pa fath o fywyd yr oeddech chi a’r teulu’n ei fwynhau yn ystod eich priodas neu eich partneriaeth sifil. Er enghraifft, sawl gwaith roeddech chi’n mynd ar wyliau dros gyfnod o flwyddyn.

Adran 4.3: Nid at gyfraniadau ariannol y mae’r term ‘cyfraniad’ yn cyfeirio yn unig, ac fe allwch gynnwys y ffaith eich bod wedi gofalu am gartref y teulu ac wedi gofalu am uned y teulu.

Adran 4.6: Os ydych wedi ailbriodi neu ffurfio partneriaeth sifil (neu’n bwriadu gwneud hynny) neu’n byw gyda rhywun arall (neu’n bwriadu gwneud hynny) bydd angen i chi lenwi’r adran hon. Mae’n bwysig bod gan y llys sy’n gwneud y penderfyniad ddarlun mor gyflawn ag y bo modd o’r sefyllfa ariannol.

5 Y Gorchymyn a geisir

Efallai yr hoffech geisio cyngor cyfreithiol i ateb y cwestiynau yn y rhan hon o Ffurflen E. Mae’n bosibl eich bod yn gymwys i gael cymorth cyhoeddus tuag at eich costau cyfreithiol drwy gymorth cyfreithiol sifil.

Rhestr o ddogfennau i gyd-fynd â Ffurflen E

A chithau bellach wedi gorffen llenwi Ffurflen E, gwnewch yn sicr bod y copïau o’r eitemau sydd yn y rhestr atgoffa sy’n berthnasol i’ch cais, wedi eu hatodi.

Peidiwch â chynnwys dogfennau gwreiddiol, ond yn hytrach sicrhewch eu bod ar gael ar gyfer eu harchwilio gan y parti arall a’r llys.

Os na allwch roi copïau o ddogfennau ynghlwm wrth Ffurflen E wrth i chi ei ffeilio rhaid i chi ychwanegu nodyn byr at Ffurflen E yn esbonio pam nad oedd modd i chi eu cynnwys.

Sylwch os gwelwch yn dda – rhaid i chi gadarnhau unrhyw gopïau o ddogfennau y dymunwch eu rhoi ynghlwm wrth Ffurflen E fel arddangosiad neu atodiad i Ffurflen E.

Datganiad Gwirionedd bod yr wybodaeth a roesoch chi yn Ffurflen E yn wir

Rhaid llenwi’r adran hon. Rhaid ichi gadarnhau bod yr wybodaeth a roesoch yn datgelu’n llawn, yn ddidwyll, yn glir ac yn gywir eich amgylchiadau ariannol ac amgylchiadau perthnasol eraill.